

glia, et sier Vido Memo va Consier a Retimo, et sier Jacomo Surian va Consier in Candia; nè cargar alcuna mercadantia, sotto pena, *ut in parte*. Fu presa. Ave: 123, 8, 4. Et che'l Soracomito stagi a obedientia di l' Orator.

Fu posto, per li Consieri, dar uno possesso di uno beneficio in brexana di San Piero Apostolo et Quirico et Iulita in Varola vechia a domino Ypolito de Datis per certa renuntia fatoli di ditto beneficio per suo barba domino Hannibal de Datis come apar per le bolle, *ut in parte*. Fu presa. Ave: 159, 8, 15.

Fu posto, per li Consieri, Cai di XL et Savii, che havendo richiesto li oratori di la comunità di Verona, *videlicet* domino Francesco Baioloto cavalier, et domino Thomeo Colpano dottor, che li hebrei siano cazadi di la città et teritorio et non possino più fene- rar in quello; pertanto sia preso che li ditti hebrei, finito sia il tempo di la restitution di l'imprestado fato, non possino più star in la città et territorio, et il Podestà debbi procieder contra di quelli che havesseno contrafatto etc.

A l'incontro, sier Francesco da Canal Cao di XL messe, che atento manca tre anni a compir l'università di zudei la ferma, non si debbi innovar altro fin quel tempo, atento questo Stado non ha voluto far a rechiesta di oratori padoani, ai qual del 1520 a di 10 Mazo per questo Conseio fo preso non si facesse altra innovation. Andò le parte: 12 non sincere, 5 di no, 78 del cao di XL, 94 di altri, et fu presa.

Fu posto, per i Consieri, Cai di XL et Savii, atento che'l magnifico conte Julio Manfron condutier nostro morite valorosamente sotto Cremona, et i meriti di suo padre signor Zuan Paulo, la condotta havia esso conte Julio sia data a Zuan Paulo et Julio soi fioli quando i serano ad età idonea di poder portar arme, *videlicet* condotta di homini d'arme 50 in bianco con la provision consueta. Fu presa: 193, 13, 4.

316* Fu posto per li Consieri . . . una gratia a sier Antonio Barbaro di sier Vicenzo di poter far uno molin in l' ixola di Veia.

Fu posto, per li Consieri soli, far tre Savii di Zonta al Collegio per tre mexi iusta il solito; la qual parte non se intendi presa se la non sarà posta et presa a Gran Conseio, *ut in parte*. Fu presa. Ave: 196, 12, 1.

Fu posto, per i Consieri, Cai di XL et Savii, che sier Batista Gritti qu. sier Francesco, per nome suo et di suo fradello Sebastian, atento sua madre si

pagasse di beni su li qual è stà tansati, che'l sia commesso a li 8 Savii debbano aldir et senza diminution di la tansa meter a ogniun la soa parte, *ut in parte*. Ave: 168, 11, 17. Fu presa.

Scurtinio di tre Savii del Conseio in luogo di sier Zacaria Bembo, sier Zuan Nadal Salamon, et sier Francesco Morexini che compieno.

Sier Gabriel Venier fo avogador di Comun, qu. sier Domenego . . .	82.134
Sier Domenego Pizamano è di Pregadi, qu. sier Marco	66.160
Sier Hironimo Polani el dottor fo di la Zonta, qu. sier Jacomo	62.163
† Sier Antonio Surian dottor cavalier fo savio a terra ferma, qu. sier Michiel	114.103 122.100
Sier Filippo Trun è di Pregadi, qu. sier Priamo	113.122 99.126
Sier Hironimo Grimani fo Cao del Conseio di X, qu. sier Marin	91.130
† Sier Piero Boldù fo savio a terra ferma, qu. sier Lunardo	133. 93
Sier Marco Antonio Grimani è di Pregadi, di sier Francesco	92.130
Sier Marco Antonio Corner fo Proveditor di comun, qu. sier Polo	90.134
† Sier Francesco Bernardo fo di Pregadi, qu. sier Dandolo	126. 92
Sier Valerio Marzello fo Savio a terra ferma, qu. sier Jacomo Antonio cavalier	98.124
Sier Filippo Capello è di Pregadi, qu. sier Zuan procurator	44.174
Sier Piero Morexini è di Pregadi, qu. sier Francesco	82.136
Sier Zuan Antonio Dandolo fo savio a terraferma, qu. sier Francesco	98.127
Sier Francesco Morexini el dottor, qu. sier Gabriel	40.174
Sier Santo Trun fo savio a terraferma, qu. sier Francesco	81.138
Sier Marco Antonio Calbo fo a le Raxon Vechie, qu. sier Hironimo	89.137
Sier Bortolamio Zane fo a la chamera di Imprestidi, qu. sier Hironimo	110.114
Sier Alvixe Capello è di Pregadi, qu. sier Francesco	104.117
Sier Andrea Mocenigo el dottor fo di	317